

四庫全書

集部

欽定四庫全書

清風亭稿卷七

明 童軒 撰

五言絕句

春日卧病東高仲顯一首

紅桃始破顏綠楊已堪把想應城南道日日多車馬

庚寅中秋對月

在滇南作

去歲中秋夕維舟楚水濱可憐今夜月猶照異鄉人

回至餘干望家

極目天涯路孤帆千里歸倚門人不見唯見白雲飛

都昌阻雪

積雪連旬晦江空歲晏時客途偏感慨忍誦蓼莪詩

湖口夜泊

江水匯為澤瀾漫深萬丈山寺晚鍾鳴湖心明月上

彭蠡湖

萬頃雪花卷舟飛一葉輕掀篷發清嘯疑恐小龍驚

小孤山

又俗呼為小姑

秀色真可食雲鬢不須理江水濕羅衣夫容滿身紫

舟次望江見白鷗鳥

蒼茫雲水闊飛去復飛還十載紅塵裏何因似爾閑

晚泊荻港

漁艇已收綸斜陽下烟水寂寂掩篷窓坐聽舟人語

采石懷李白二首

扁舟依采石悵望謫仙人我獨船頭坐江流月色春
扁舟依采石牛渚浩風波不見錦袍客滿篷涼月多

暮入永平

青山圍古邑流水帶荒村馬首愁雲合山頭日欲昏

倚樓

愁倚溪樓望還因見月明明如有約偏照別離情

感興一首

細草春來綠閑花雨後紅思君不能見惆悵畫樓東

題畫小景二首

山色青於染茅堂背郭成陰陰喬木裏疑有讀書聲

家住清溪口門掩清溪樹溪上多白雲幽人自來去

夜泊楊溪

月色照谿水秋聲起樹間孤舟今夜客無夢到家山

京口晚泊

落日青山暮踈煙古寺秋望中無限景都屬釣魚舟

瓜步洲

青山萬古色流水一江雲遠寺鐘聲早迢迢月下聞

竹塆口

金匱要略卷七
君住竹塆口妾家桃花津來往不相識青山應笑人

丹陽晚眺

春水綠迢迢空江自落潮橋頭兩竿日煙外酒旗飄

客中秋夕

遠客難為別西風吹月明不堪殘夢破沙際亂蟲鳴

路經烏撒值清明日

邊地清明日淒涼歎未歸楊花知客意撩亂馬頭飛

漾脩早行

流水點曲響亂山重疊橫行行天欲曙立馬看雲生

去壽昌作

來時此行李去時此行李倖外無一金不愧桐江水

題畫四首

牡丹羣鳥

微雨朝來歇紅芳綴滿枝多情花裏鳥應愛日遲遲

荷花鵲鵲

斜日回塘靜紅蓮花半開雙雙鵲鵲鳥窺影去還來

金定四八
卷七
蒼蘊畫眉白頭翁

蒼蘊園亭小清香散晚風長眉畫初就愁絕白頭翁

雪竹小雀

凍雪黏寒竹啾啾雀噤聲東風花影好何似洛陽城

東風

東風吹百草蔥蒨滿天涯獨有南山桂依然未著花

駿馬二首

駿馬響金羈蹀躞長安道少年挽雕弓彈落花間鳥

駿馬出長堤繁纓絛革垂相逢休問姓知是羽林兒

夜宿木和聞猿

月移枝上影風亂水邊聲此夜郵亭客還家夢不成

暮至金齒

關晚牛羊下城高鼓角清道傍迎候吏馬首拜諸生

過浪穹峽

幽花懸石壁流水瀉雲根停車試相問只恐是桃源

夜宿觀音山驛

溪聲決決流木葉蕭蕭下離人耿不眠寒燈伴長夜

夜宿鄧川驛

風走落葉聲山犬吠不已披衣夜出戶明月照溪水

南安分司

陰風射紙窓燭影半明滅四野無人聲寒猿嘯霜月

姚安分司

缺

清風亭稿卷七

欽定四庫全書

清風亭稿卷八

明 童軒 撰

七言絕句

讀史

晏嬰

慎守封疆欲霸齊故於宣聖惜尼谿從來為國求賢意
笑殺當年擁蓋妻

儀秦

游說當時竅得名從橫朝暮善談兵自家不學全身計
却與諸侯致太平

蘭相如

事大從來貴息爭區區何用勝秦名不知醢出長平禍
尤說當時擊缶聲

屈原

貝錦生讒自古然但將心事付蒼天何須葬入江魚腹
湘水無情肯見憐

商鞅

謾勞苛法罔生民遂使先王澤盡湮豈但法行還自弊
山東兵起更亡秦

張良

陪羽興劉計有餘也應黃石一編書淮陰相國俱人傑
明哲看來太不如

于定國

民不稱冤獄訟平于公持法擅高名不知京兆當年死

廷尉如何未得情

公孫弘

豐儉從來貴兩兼
惡衣美黻古無嫌
布衾自是吾儒事
史筆胡為紀詐廉

謝安石

百萬秦兵壓境時
區區矯飾亦何為
不緣鶴唳風聲便
未必能安晉鼎危

王安石

慨然斯道豈難行
却被周官誤一生
從此老泉成口實
無心蓬垢得奸名

春雨思兄一首

輕寒連日雨
霏霏花底香
塵濕不飛燕子
歸來詩夢覺
滿池新水草
依依

松月圖

少日曾期十八公
可堪垂老尚飛蓬
而今遠塞看圖畫
斜月西風似夢中

雲山圖二首為都閫王大經題

萬疊雲山紫翠橫
依稀風景似滇城
望中應是將軍寨
鼓角無聲夕照明

雲樹蒼茫落日遲
山城秋色映旌旗
太平邊徼多閑暇
正是將軍運甓時

次韻鄒允達懷仙吟十首

松花酒熟潑銀缸
邀得羣仙醉石窓
十二闌干秋色靜
笛聲吹斷落梅腔

霧閣雲窻蘸碧虛黃梁枕上夢
蘧蘧鶴翻松露無人到
近得麻姑一紙書

山擁芙蓉面面開紅塵元自隔丹臺
洞簫一曲雲間下
知是羣仙跨鶴來

六銖衣上繡雲輕月下時時奏五英
回笑人間兒女夢
紅塵一枕不分明

銀浦流雲夜氣澄蟾光碾出一輪冰
步虛壇上瞻星斗
翠壑丹崖幾萬層

星冠鶴氅自翩翩名注玄都作散仙不用金莖承沆瀣
黃精芝草滿丹田

瑤玉山前奏鳳簫彩雲飛珮下松喬夜深驚起潛蛟聽
石澗星河影動搖

西華峰頭月影高瓊花香霧濕金袍呼僮旋劈麒麟脯
一曲南飛醉碧桃

勾陳樹底醉流霞果列金櫻飯熟麻雞犬數聲春色暮
一溪流水汎桃花

蟠桃紅熟紫芝香共酌元洲九醞觴醉後山窓秋寂寂
神遊還到白雲鄉

江行小景二首

一江烟水綠如羅蘋末涼風起白波何處扁舟歸去急
滿蓬殘雨夕陽多

浦口風回浪拍沙天涯行客正思家歸舟疑是洪都晚
孤鷺低飛帶落霞

題畫

茅屋人家一兩間
綠雲遮戶鳥聲閑
小橋盡日無人度
春護苔花一逕斑

春艸

年年匝地自生春
染出羅裙色更新
回首舊遊南浦路
冷煙淒雨正愁人

維揚弔古

草沒離宮舊路賒
錦帆曾說到天涯
孤城日暮東風急
落盡當年綵樹花

渡江二首

維揚江上片帆開
沙淨雲閑露碧苔
萬頃無塵渾似鏡
青山一帶逐人來

長江天塹古今同
控引東南地勢雄
幾度桃花三月雨
錦雲翻浪化魚龍

和尚寶宋士皐先生春日符臺即景之作

憶昔先皇御太平
朝來前殿集羣英
彩雲飛動金輿出
兩兩霓旌作隊行

御路風清絕點埃
茸茸新綠剪莓苔
羽林環衛無人到
惟有中官日往來

畫松

曾是陶公手種來
山中風雨老莓苔
佇看貢入明堂用
還似當年宰相才

寄月溪瑩僧官二首

病來常欲謝朝簪
幾度懷師夢裏尋
遙想跏趺雙樹底
一燈懸影照禪心

白雲芳草閉禪關
金磬無聲夕照閑
應是定中忘坐久
袈裟渾染石苔斑

鷓鴣圖

荆棘叢深舊路微
奔奔常向夕陽飛
長安此日看圖畫
應笑為儒百結衣

瞿谷圖

性慧能言異衆毛
雲霄千里路勞勞
綠楊枝上東風軟
却笑羣飛驚雀高

村居圖

鳥外斜陽一水明
村居深掩數峰青
落花寂寂春歸盡
載酒無人到草亭

寶帶橋

寶帶橋頭水滿磯
小舟雙槳暮漁歸
藕花蒲葉俱零落
惟見斜陽乳鴨飛

經沛縣懷古

縣有歌風臺

芒碭山前起白雲
龍飛猶憶漢時君
高臺蕪沒西風急

彷彿歌聲入耳聞

宿草萍驛

霜冷重衾夢不成殘燈留影伴離情
僕夫晨起催行色茅店雞聲月正明

舟回采石夜泊謫仙樓下值雨弗果登樓用賦
一詩以弔

謫仙樓下弔詩仙千載風流世共憐
煙雨一江無月色鯨魚風起浪花圓

山水圖為姚宗仁題

落日青山映碧沙，平湖渺渺見星槎。
橋邊雲樹參差出，

疑是青城隱士家。

青城隱士借宋人姚平仲以擬宗仁也。

題丁鳳儀見贈二首

曾見操觚試棘闈，少年文采似君稀。
秋來應有梯雲夢，桂子吹香墮綠衣。

頻年載筆侍明光，慚愧清時少諫章。
空有丹心似孤鶴，時時飛繞海天長。

題陳文璧瓊林醉歸圖二首

瓊林宴罷出南宮
羅袖飄香醉態濃
一色杏花三十里
長安道上馬如龍

帽壓宮花照眼新
東風渾勝曲江春
醉中記得歸時路
丹鳳樓頭月似銀

秋夕有感

身世相違似陸沈
鬢邊頻見二毛侵
西風吹破還家夢
一夜寒蛩伴苦吟

一榻清聲墨竹二首為劉司勳先生題

灑出金壺玉兩枝
楚雲湘水不勝奇
歲寒勁節誰能識
憑仗清風是故知

碧雲蕭颯漏新晴
彷彿湘江一段清
夜靜天風響林杪
滿空飄下鳳鸞聲

送蔣道士還茅山

黃冠野服列仙曹
天上朝元羽蓋高
鐵笛一聲秋月白
又騎黃鶴下三茅

雙竹圖

新粉含香並節生，翠雲零亂不勝清。
憑誰製作昭華管，聽取雌雄兩鳳鳴。

題墨竹便面送郭判簿

時郭以御史貶官

叢碧分香出上林，清風高節等南金。
相看猶帶霜臺操，肯向炎荒易素心。

次韻楊內翰賓筵留詠二首

馬首黃塵十丈飛，藍袍今已化緇衣。
相過只有揚雄宅，

幾共談經坐夕暉

木落亭皋白露涼
蕭蕭秋意近重陽
小樓客去渾無事
唯有尋詩鎮日忙

褒城

曉驅羸馬出褒城
風景蒼蒼入望清
十里青山數行樹
豈花籬落草蟲鳴

沔縣道傍見民舍偶作

幾家同住一孤村
綠樹團陰半掩門
莫道野人生事少

曉晴籬落散雞豚

輓祁陽郝節婦

鏡掩孤鸞自少時
幾回愁誦柏舟詩
葉砧地下重相見
應說年來鬢已絲

頭陀寺和壁間詩韻二首

杖頭擎鉢十方遊
踏遍神州與趙州
却笑高車安坐者
一生肉食為身謀

使節驅馳萬里遊
何曾騎鶴上揚州
蕭蕭疎雨空山夕

且辦僧房一榻謀

九月三日送同使朱司廳樞出漢州南門愴然

有作

疏陳諭蜀選廷臣愧我無才慰遠人
萬里同來不同去暮雲回首一霑巾

三月十二日過夔府偶成

春雨圖書舫輕滿蓬山色過夔城吟邊為愛巴東水
酷似詩人意味清

題露筋烈女祠

祠在揚州

不見王睢在水洲
野花黃蝶滿牆頭
露筋祠下東流水
洗盡維揚萬古羞

題墨蘭

并叙

歲乙酉冬予謫官壽昌邑庠徐生雋出此圖
以索詩予遷客也不無去國懷鄉之念因題
此以歸之

軒識

忽向空山見國香
冷烟淒雨自蒼蒼
虛堂夜永琴聲歇

一段騷人別恨長

題馬圖

曾逐天驕出漢關
歸來孤影放空山
可憐苜蓿西風夜
猶憶騏驎十二閑

壽昌山中書事三首

好山青立縣門西
細雨空堦草色齊
鎮日督郵來往少
衙回時聽竹雞啼

竹底寒泉汨汨流
穿雲噴雪響床頭
連宵肌骨清無寐

那更山窓月正秋

二尺詩繁影半明
布衾高卧夢難成
不堪破屋秋風急
亂葉蕭蕭作雨聲

題胡得和金峰樵隱卷

伐木行歌入遠峰
白雲黃葉路重重
歸來掩耳當時事
門巷無媒草自濃

田舍雜詠五首為梅莊諸處士賦

名莊渾似習家園
綠樹陰陰靜掩門
昨夜溪南春水漲

金匱山房詩集 卷八
芹絲香處有河豚

十角黃牛二頃田
新秧簇簇遍郊阡
卧龍老去無人問
春雨躬耕又幾年

不放漁舟覓水源
繞溪花竹自成村
青山遮斷紅塵路
只有詩僧日款門

載酒看山湖上歸
西風吹冷薜蘿衣
水田刈盡雲千頃
無數牛羊草正腓

古梅千樹半開殘
流水空山雪正寒
花下有人恒閉戶

一生清操到袁安

題畫四首

孫康映雪

十二街頭雪正寒
春明門內有冰山
茆簷且拾殘編讀
笑殺騎驢客未還

買臣負薪

生計蕭條一束薪
擔頭書卷久忘貧
却憐畫錦還鄉日
道上清除有故人

傳說築巖

傳巖山下作胥靡板築躬操世未知
忽肖畫圖天上夢
看施霖雨濟瘡痍

百里奚飯牛

當年自粥五羊皮
飯得牛肥辱不辭
却笑有官居鼎鼐
都忘臨別為烹雌

暮至寧州

寧州日晚少人行
風景蒼蒼感客情
村落渾如寒食節

野花無數上牆生

贈僧

幾年遊脚苦匆匆
厭聽晨雞與暮鐘
今日歸來趺坐穩
沙頭咒鉢學降龍

附聯句

波金聯句

并叙

正統戊辰冬予還番陽
舫舟江東門外故人
留守鄭君廣之相送舟所
不忍決去詰旦旭

日方東波光躍金滉漾如畫廣之邀為聯句

因而倡和如左

扁舟江岸泊曉日正曛曛曙色分餘靄童波痕漲遠蕪

川原繚繞動鄭晴影逶迤籠滉漾丹霞散童熹微火劑

融湯流驚躍冶鄭倒漾飲垂虹皺穀按紅茜童祥光灼

鏡銅桃花流片片鄭萍實泛溶溶漪細縈縹緲童瀾分

疊絳絨龍宮呈錦麗鄭鮫室迸珠紅芻綠蒲萄滑童江

青柳線茸暖雲蒸荔子鄭秋水浸夫容甲縫金鱗動童

歲粧寶髻畫屏張孔雀鄭羅帶刺虬龍星象天梯下

童河潢斗府通棚山鰲結綵鄭機杼鳳飛空麗水珎堪

擬童滎河瑞頗同支旗相盪目鄭冠珮盡朝宗舊繡天

吳折童明粧越女從影涵歌扇小鄭涼漬舞衣濃漫說

然犀怪童還驚駕海雄推敲詩易得鄭鏤刻畫難工絳

蠟燒屏外紅螺吸月中鍾期思復鑄童嵇氏恨難銘水

母絲偏脆鄭周郎炬已攻自慚文燄狹千里載孤蓬童

附回文體

清浪道中書事

山青露處亂雲飛
目極遙空半落暉
關映晚霞紅片片
水臨春樹綠依依
閑鷗睡傍漁舟小
倦馬歸愁客路微
蠻洞有樓高寨遠
病多時復更歔歔

附集句

宮詞集唐句五首

水流花謝兩無情
還到春時別恨生
明月自來還自往
夜深前殿按歌聲

紫烟衣上繡春雲但保朱顏莫保恩玉珮無聲畫屏冷
梨花滿地不開門

建陽昨夜起春風鳳輦時巡出九重獨見絲雲飛不盡
碧霄何路得相逢

花飛蝶駭不愁人爭奈君恩別處新翠輦不來宮殿閑
東風二十四回春

禁門深掩斷人聲花落閒階宿雨晴竟日倚闌空嘆息
一場春夢不分明

無題集唐句十首

芙蓉肌肉綠雲鬟幾許幽情欲畫難聞說春來倍惆悵
莫教長袖倚闌干

雲想衣裳花想容未知何日得相從身無綵鳳雙飛翼
只有襄王憶夢中

萬轉千回懶下床門前月色映橫塘無情不似多情苦
一曲伊州淚數行

粉霞紅綬藕絲裙倏忽還隨靈雨分一自高唐賦成後

夢來何處更為雲

潯陽向上不通潮
却算游程歲月遙
明月斷魂清靄靄
玉人何處教吹簫

南陌愁為落葉分
陰蛩切切不堪聞
晚來風起花如雪
忽到窻前疑是君

愁心一倍長離憂
紅樹青山水急流
門外晚晴秋色老
不堪吟倚夕陽樓

真成薄命久尋思
野寺尋花春已遲
何處相思不相見

九疑雲盡綠參差

與君相見不相親
脉脉無言幾度春
別恨轉深何處寫
晚來幽獨恐傷神

愁聽寒蛩淚濕衣
嗟君此別意何如
相思莫道無來使
雙鯉迢迢一紙書

謫官後詠懷一首

集唐句

逐隊隨行二十春

羅隱

世情誰是舊雷陳

元稹

長疑好

事皆虛事

李山甫

不薄今人愛古人

杜工部

苔色滿牆

思故第

鄭谷

江潭何處是通津

耿緯

分明記得還家夢

來鵬

依舊紅霞作近隣

譚用之

予按石屏州學偶染瘴癘遂興至臨安公館樂

之稍愈因集唐人之句聊以自遣云

病多慵引架書看

譚用之

老去悲秋強自寬

杜工部

文

軌盡同堯厯象

權德輿

蠻方今有漢衣冠

韓偓

黃花浥

露開江岸

劉長卿

山鳥將雛傍藥闌

錢起

慚愧流年筋

力少

包佶

不如高卧且加餐

王維

清風亭稿卷八

清風亭稿題詞

寄題清風亭稿

魏驥

累牘聯編辱拜嘉從知麗則異淫哇十年苦憶非徒慰
一代名言自足誇出入陶韋殊脫穎規模元白已成家
太平歌頌須君手玉署期看振國華

誦清風亭稿偶成

并序 楊守陳

辱示佳什秉燭諷誦以張公為知言奉去小卷求題
此欲得珊瑚十萬之一耳蓋見寶貪得人之恒情幸

勿深訝也一絕錄如右想當撫掌而擲之

華月初高禁漏遲綺窗紅燭誦君詩
殷勤寄語玉川子
惠我珊瑚十萬枝

題清風亭稿後

沈周

一編新寄自嚴州洗眼開心讀不休
夜月有輝生白壁
春風無迹動黃流
潮陽遺鰐多高思
蜀道聞鶻足遠憂
落落乾坤雅音在
獨憐絕倡少人酬